



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 4. An valeat nuncupatio hæredis cum relatione ad Schedam?

[urn:nbn:de:hbz:466:1-73045](#)

Confirmari potest ex L. non dubium C. de testament. ibi: qui ex testamento, vel ab intestato hæres extiterit, et si voluntas defuncti circa legata, seu fideicommissa, seu liberalitates legibus non sit subnixa, tamen si suâ sponte agnoverit, implendi eam necessitatem habeat.

2072 Ad 1. q. neg. Sequebam; nam ex hoc, quod leges talem defuncti voluntatem non irritent, non tantum pro foro animæ, sed etiam pro foro externo; fundatur in eo, ut fatentur Contrarii, quod Testator id fidei hæredis committat; cum ergo id non contingat in hæredis institutione, non rectè infertur, quod de fideicommissis dictū est, in ordine etiam ad forum externum, sequi etiam de testamentis, quoad forum externum. Sufficiens ergo discriben est, quod negetur hæredi instituto pro foro externo, quod pro eodem foro ex dictis legibus concedatur hæredi fideicommissario; quamvis pro utroque in ordine quoad forum internum teneat paritas. Hinc sicut hæres fiduciarius in foro externo non nisi post Judicis sententiam tenetur alteri restituere, quod suæ fidei alteri tradendum commissum est; sic ne hæres institutus ex tali testamento hæreditatem tenebitur restituere hæredi ab intestato, nisi post Judicis sententiam, ut diximus loc. cit.

2073 Ad 2. q. Verum esse, quod illæ leges non loquuntur expresse de testamento, & hæredis institutione, sed fideicommissis, & legatis; sed in ratione, quam afferunt Contrarii, non fundari decisionem earum; dum enim dictæ leges dicunt valere voluntatem Testatoris, etiam sine solennitatibus in fideicommissis pro foro externo, & suæ definitionis reddunt rationem, non respiciunt unicè fidem ejus, cui commissa est rei traditio; sed ne pereat ultima voluntas Testatoris fidei hæredis commissa, quod fieret, si in foro externo cogi non posset ad juramentum, quod nihil tale à Testatore audiverit, vel non præsumercur confiteri, si juramentum recularerit; unde licet iste favor pro foro externo non militet pro hæredis institutione ex testamento imperfecto (quamvis contrarium in multis locis, etiam in hoc foro ultimum sit, modò constet de ultima voluntate Testatoris defuncti) pro foro tamen conscientia idem dicendum erit, propter maximam aequitatem naturalem, ne omnino pereat ultima voluntas Testatoris, si certò de illa constet.

Tom. III.

Confirmatio ex L. Non dubium, admitti- 2074

tur; sed solùm hoc intenditur, idem hæredis institutioni ex testamento imperfecto concedendum saltem in foro conscientiae, quod hæredi fideicommissario ex imperfecta institutione fideicommissi pro foro externo; si enim ubi constat de voluntate, quantumvis imperfecta, in fideicommissis, etiam in foro externo valet, ne pereat ultima voluntas Testatoris (quamvis imperfecta ex defectu solennitatum) hæredi fiduciario commissa; aequum sanè, acjuri naturali planè consonum videtur, ut, si constet de voluntate Testatoris quoad hæredis institutionem, etiam hæc valeat, saltem in foro interno, licet ea voluntas imperfecta sit ex defectu solennitatum.

§. 4.

An valeat nuncupatio hæredis cum relatione
ad Schedam?

C Asis est: Titius manu propriâ in aliqua 2075 Scheda descriptis claris ac distinctis verbis nomen ejus, quem post mortem suam velit esse hæredem; deinde coram testibus ad testamentum nuncupativum solenne requisitis, distinctâ voce profert: Ego illum constituo hæredem meum, cuius nomen reperitur à me descriptum in tali Scheda, & sub hoc moritur: Quæstio est, an tale testamentum vim habeat nuncupativè, ut talis? non autem agimus hic de illius valore spectato jure naturali, & gentium, vel etiam statutis particularium locorum, ubi constat, etiam in foro externo recipi quamcunque dispositionem per ultimam voluntatem, etiam sine solennitatibus, modo constet de voluntate defuncti, sed quid dicendum sit attento jure civili communis? Olim affirmantium sententia erat communissima, teste Julio Claro §. Testamentum, q. 36, qui & ipse eam sequitur cum Harprechtio in b. t. Inst. n. 141. Georg. Everhardo Volum. 2. Consil. 43, à n. 5. Berlichio p. 3. conclus. 4. resol. 22. §. Et quidem, contrarium sentit Haunoldus tom. 2. de Jus. tr. 6. n. 46. volens, id certum esse inspecto jure scripto, & præscindendo à praxi, pro eadem opinione ibid. referens Cardinalem de Lugo, Ferdinandum Vaszquez, Gilkenium, Rath. & Nanziuum cum Sichardo in L. Hac Consultissima.

Fundamentum negandi validam ejus. 2076 modi voluntatem in vim testamenti nuncupativi, desumunt 1. ex L. Hac consultiss.

P pp 2

ma,

484 Tract. In Lib. III. Decretal. Quæstio XXVI.

ma, §. 2. ubi sic statuit Imperator: *Per nuncupationem quoque, hoc est sine Scriptura, testamenta non alias valere sancimus, quam si sepius testes (ut dictum est) simul uno eodemque tempore collecti, Testatoris voluntatem, ut testamentum sine Scriptura facientis audierint; hæc verba, si attente conferantur cum verbis præcedentis §. ubi dixit, testamentum scriptum ideo inventum esse, ut possit testes latere hæres, & tamen debet Testibus dici, hoc esse suum testamentum, profecto clare colligitur, quod pro differentia nuncupativi requirens, ut testes auidant voluntatem Testatoris, non loquatur de implicita illorum auditione; sed de tali auditione, quæ hæres in propria persona innotesceret testibus.*

Secundo ex L. 49. Codice de testamentis ibi: sin autem forsitan ex morbi acerbitate, vel literarum imperitia hoc facere minimè potuerit, testibus testamenti præsentibus, *nomen, vel nomina hæredis, vel heredum ab eo nuncupari, ut omnimodo sciant testes, & non tantum eomodo, quo etiam sciunt testes testamenti scripti, qui sint scripti hæredes, & ita certè hæredis nomine successio procedat;* si enim talis est Testator, qui neque scribere, nec articulatè loqui potest, mortuo similis est, & falsitas in elogiis committitur. Quare, ut exul fiat à republica nostra, maximè testatorum confectione, cupientes *hanc editam legem in orbem terrarum ponimus, quod, si non fuerit observatum, & nomen hæredis, vel heredum non fuerit manu Testatoris scriptum, vel voce coram testibus nuncupatum, hoc testamentum stare minime patimur.*

Tertiò ex L. 21. ff. quite tam facere, ibi: *heredes palam ita, ut exaudiri possint, nuncupandum, licebit ergo testanti, vel nuncupare hæredes, vel scribere: sed, si nuncupat, palam debet.*

Affirmantes nituntur, L. 6. ff. de rebus creditis, ibi: *Nihil refert, proprio nominis appellantur, an dígo ostendatur, an vocabulis quibusdam demonstretur, quatenus mutua vice funguntur, que tantundem præstant, deinde L. 58. ff. de hæredib. Inquit. ibi: nemo dubitat, rectè ita hæredem nuncupari posse: hic mihi hæres esto, cùm sit coram, qui ostenditur; ergo etiam sufficiet, si dicatur, ille hæres esto, qui in charta apud talem vel talern existente scriptus est.*

Tertiò in testamento scripto potest relatio fieri ad Codicillum non obstante, quod requiratur in Codice, *ut nomen hæredis scribatur in testamento L. 77. eod. ibi: aße tota non distributo ita scriptum est: quem hæredem Codicillis fecero, hæres esto, Tírium Codicillis hæredem instituit, ejus quidem institutio valet, ideo, quod, licet Codicillis hæreditas dari non possit, tamen ex testamento data videtur;* ergo idem de testamento nuncupativo dici poterit: quartò L. 9. §. 8. ff. b. t. habetur: *Si quis nomen hæredis quidem non dixerit, sed indubitate signo eum demonstraverit, quod penè nihil à nomine distat, valet institutio,* ergo quocunque signum sufficiet; ergo etiam relatio ad Schedam.

Tota difficultas recidit in eam quæstio- 2078

nem, an vi legum, quibus nititur sententia negantium, *valere tale testamentum in vi nuncupativi, debeat testibus expreſſe nominari hæres voce clarâ, & distinctâ (hoc est rite perceptibili) quoad nomen sic, ut ex ipsa voce loquentis eis immediate innotescat?* R. si speculativè loquamur, iste affirmandum, quod voce nomen hæredis exprimentum sit ad hoc, ut ea Testatoris voluntas ultima procedat in vi testamenti nuncupativi, quæ talis; quia id satis aperte dicitur in L. 49. de qua n. 2076. ibi: *Si non fuerit observatum, & nomen hæredis, vel heredum coram testibus nuncupatum, hoc testamentum (loquitur autem de nuncupativo) stare minime patimur;* 2. quia sic exigitur in testamento nuncupativo nomen hæredis vocaliter exprimi, sicut in testamento scripto exprimentum est scripto; at in hoc distincte exprimentum est, ut *ex ipsa scriptura* sciatur hæredis persona, ergo etiam ibi, ut *ex ipsa nuncupatione*; ne admittamus etiam in solenni testamento per relationem suppleri posse solemnitates ad illud aperto jure requisitas, præcertim, quia cum ista relatione ad Schedam facile fieri potest fraus, substituendo unam pro alia, ut si Testator plures ejusmodi Schedas diversis temporibus confecisset, prout in contingentia facti re ipsa casus iste disputatus in judicio fuit ex concursu ejusmodi Schedarum ab obitu Testatoris repertorum.

Dixi, *loquendo speculativè, nam in execu-* 2079 *tione, si Schedula, ad quam se refert, est extra dubium, sic, ut nulla prudens dubitatio de vera manu Testatoris, aut nomine, ac hæredis institutione, vel etiam suppositione*

tione aliqua, opponi possit, in manu ultime voluntatis, quæ perquam est favorabilis, videtur valde probabiliter sustinenda talis voluntas ultima in vim testamenti nuncupativi. Unde ad leges contrarias dici potest, & i. ad id, quod desumitur ex L. *Hac consultissima. §. per nuncupationem.* ibi solum requiri, quod testes voluntatem Testatoris, simul, uno, codemque tempore audiverint, quod sufficienter verificatur, si coram testibus dicat, & illi audiant: *illum constituo heredem meum, cuius nomen descriptum est in scheda,* expressè addita circumstantia loci, quo reposita sit, maximè si tali loco, qui alii non patet.

2080 Hinc negandum est, in testamento scripto non valere relationem, qua suppleatur in testamento scripta expressio hæredis instituti. Nam in L. 77. C. de hæred. Instit. dicitur: *Affè toto non distributo ita scriptum est: quem heredem codicillis fecero, hæres esto.* Titium codicillis hæredem instituit, ejus quidem institutio valet, ideo quod licet Codicillis hæreditas dari non possit, tamen ex testamento data videtur. Unde quamvis aliqui velint, etiam hoc immutatum esse jure Codicis, requirente *scriptionem nominis in testamento*, immerito tamen inducitur hæc jurium correctio, cum utrumque salvare possit dicendo: requireti *scriptionem nominis in testamento vel ipso, vel relato ad Codicillum.*

2081 Nec etiam juvat discrimen, quod assignant aliqui dicentes: quod *relatio ad Codicillum* sit relatio ad scripturam solennizatam, & sic non mutetur forma testamenti *scripti*, nam dato, quod dicitur, adhuc tamen strictè loquendo non verificatur nomen hæredis *scriptum esse in testamento*, sumpto secundum se, sed solum *in testamento relato ad codicillum*; ergo etiam valebit alterum, licet ex ipso nuncupatione secundum se non intelligatur, vel sciatur, qua persona instituta sit; modò id sciatur vi nuncupationis relatæ ad schedam: nec enim obstat, quod ibi *& relatum, & id, ad quod fit relatio, si scriptura solennizata;* in altero autem casu, solum *relatum* fit nuncupatio, seu vocalis expressio voluntatis, non autem id, *ad quod fit relatio*, cum ponatur solum scriptura, seu Scheda; nam stando in rigore verborum Codicis, & legum collatarum secundum adversarios, non sufficit qualis-

cunque scriptura etiam solennis, sed *solennis scriptura testamentaria*; Sed scriptio in testamento, in eo casu est tortum complexum ex testamento scripto & codicillo, & hoc non est scriptura solennis *testamentaria*, seu *solennitate testamenti*; hanc enim non habet *Codicillus*, & tamen vallet; ergo similiter, cum ut dicitur L. 9. (relata supra) *si quis nomen heredis non dixerit, sed indubitate signo demonstraverit, quod penè nihil à nomine distat, valeat institutio.*

Tametsi autem ad hoc contrarii respondent, dicendo, valere institutionem,

si quis nomen hæredis demonstret infallibili signo *vocali*, concedendo; *non vocali* negando; totum tamen reponitur in casu testamenti relati ad Codicillum. Nam scriptura *testamenti*, non exprimens hæredem institutum nisi per relationem ad codicillum, valet in vi testamenti *scripti*, ut constat ex L. 77. licet scriptura testamenti se sola non sit infallibile signum *solennitate scripti* demonstrans nomen hæredis, sed *solum cum codicillo*, atque adeo non habeat solennitatem *testamenti scripti*. ergo similiter, licet nuncupatio se sola non sit infallibile signum solennitatem nuncupationis scilicet *vocis*, tamen valebit in vim testamenti nuncupativi, sicut enim hic exigitur ut testatoris *voce* exprimatur hæres, sic exigitur ibi, ut exprimatur *in testamento*, at ut hoc verificetur, sufficit, quod exprimatur per relationem ad id, quod non est testamentum: sic in isto casu sufficienter verificabitur expressum esse nuncupatione, si exprimatur per relationem ad id, quod non est nuncupatio.

Ex hoc deducitur, satis probabiliter dici à Julio Clato cit. q. 4. n. 3. Valere testamentum, si testator coram testibus clausam Schedam tenens, & ostendens illis, distinctâ voce dicat: *ego illos constituo hæredes meos, quorum nomina in his tabulis, vel in hac Scheda descripta continentur;* quamvis contrarium sentiat Ha-noldus tom. 2. tract. 6. n. 55. ex ista ratione: nam ad nuncupativum testamentum requirunt leges, ut testes intelligent *explicite, & determinate*, quis sit hæres, & de hoc debeant ab ipso testatore immedia-tè edoceri, & non primum postea per inspectionem Schedæ, prout fit in testamen-to scripto, uno verbo: in testamento

PPP 3 nuncu-

nuncupativo non debet post factam nuncupationem latere hæres; sed independenter ab omni instrumento debet per testes posse probari. Hoc enim argumentum 1. reponitur eidem in testamento scripto, quod in n. 53. respondens ad L. 77. de qua n. 2080. transmissivè admittit, valere per relationem ad codicillum; Nam in dato casu non exigitur, ut hæres institutus *ex ipso testamento scripto immediatè* innotescat, sine inspectione Codicilli, licet leges apertè pertant nomen hæredis *expressum esse in testamento*, ergo similiter. Quare negatur, quod assumitur, ad testamentum nuncupativum à legibus requiri, ut testes intelligent explicitè, ac determinatè, quis sit hæres? sic ut de hoc *immediate* à Testatoris voce edoceantur, & non primum postea per inspectionem Schedæ: hoc enim leges non dicunt sub his terminis, & per leges in contrarium allatas illæ sufficienter explicantur, si voce clara edoceantur de infallibili signo illis manifestante nomen hæredis, ut haec tenus dictum est.

2084 Concedimus igitur inter testamentum solenne Scriptum, & Nuncupativum esse discrimen, quod in illo non requiratur, ut testes sciant, quis sit hæres? secùs, in isto; convenire tamen in hoc, quod in Scriptura solennis testamenti scripti debeat requiri nomen hæredis *scripto* sic expressum, ut ex ipsa deinde constare possit eis, quorum interest, *quis sit hæres?* & in solenni testamento nuncupativo ipsa nuncupatione, seu voce testatoris coram testibus debeat nomen hæredis esse sic expressum, ut ex ipsa constare possit testib⁹, quis sit hæres? Quia verò nullibi in legibus dicitur, quod hoc necessarium sit ad valorcm, ut *immediate*, *ex sola scriptura testamenti scripti*, vel *immediate ex sola nuncupatione secundum se præcisè*, & alia claræ leges dicant sufficere, si ex eo per relationem ad aliud signum infallibile, modo id constet, vel Testibus innotescat: in re, quæ in jure est magni favoris (prout est ultima voluntas decedentium ex hac vita) rectius videtur dici, leges non accipiendas in eo rigore, quem vult Haunold. in supra, cum correctione jurium aliorum; & accipiendas potius in sensu, cum aliis concordante; quod utique etiam juri conformius est, præseruit, cùm ultima voluntas defuncti modis

omnibus conservari debeat, ut ait B. Gregorius relatus 13. q. 2. c. Ultima 4. si possit stante legum conciliatione, hoc enim sonat modis omnibus.

S. 5.
An testamentum in ratione scripti cæptum, sed defectu alicujus solennitatis invalidum, valeat saltē in vim nuncupativi?

Uponendum est, nos agere de casu, 2085 quo testamentum à Testatore legitimè conscriptum, cùm hæredis instituti expressione, coram testibus publicatum est, sic, ut nonnullum contineat defectum alicujus ad testamentum *nuncupativum* requisiti; labore tamen defectu alicujus requisiti ad valorem testamenti *in scriptis*. Communior sententia, quam sequitur Julius Clarus *Testamentum. q. 4. n. 2.* Menochius de præsumpt. L. 4. præsumpt. 2. n. 6. & alii, tenet affirmativam, sive habeat, sive caret adjuncta clausula, ut, *hoc testamentum subsstat meliore modo, quo potest.* Ante probat. Not. in his, quæ à nobis hoc vel illo modo, fieri posunt, præcipue attendendam esse intentionem eligentis unum modum, ut actus, si non valeat eo modo, quo fit, valeat saltē eo modo, quo potest, si habeat requisita ad hoc, ut *aliquo modo* valeat, hinc esto miles, volens testari, potens concedere testamentum jure communi, vel jure speciali concessio militibus, elegerit testari jure communi, valebit nihilominus in vi testamenti *militaris*, si habeat omnia ad hoc requisita; quia, ut dicitur L. 3. ff. de milit. testam. qui voluit jure communi testari, non statim beneficio militis renunciavit, nec credendus est, quisquam genus testandi eligere ad impugnanda sua judicia, sed magis utroq; genere voluisse propter fortuitos casus.

Hujus ulterior ratio est, quia quoties in 2086 actionibus, aut exceptionibus ambigua est oratio, commodissimum est, id accipi, quo res, de qua agitur, magis valeat, quam pereat, verba sunt L. 12. ff. de rebus dubiis, quod maximè procedit in causis favorabilibus testam. ultimarum voluntatum, matrimoniorum, &c. humanis enimerit sequi ejus partis sententiam, qua secundum testamentum spectavit, L. 10. ff. de inoffic. testam, quod confirmari potest ex Novella 42. Leonis Imperatoris Occidentis, qui etiam Orientalibus legem tulit, cùm ejus Novellæ corpori juris communis inserta sint, & quoniam valde rationabiles sunt, magnam authori-